

清封奉政大夫陳太夫子家傳

公諱勉字覺初出長沙竹沙鋪陳先丹亭公以孝旌三傳至公羣從昆季拾芹藻建旂鼓者八九而

公父子尤有文行孝報也夫公少家不中貲惟溺苦於學不治生產年三十遊庠屢薦不售補增生以歲成進士選江西縣丞晉封奉政大夫不樂仕進儒教終焉所爲詩文詞贈炙一時惜稿多散佚好讀書無所不究星厯方技亦摘以課課餘則撫拾史事輯以均言成二十卷年就衰學彌篤終日一卷抱膝長吟意有所得筆之毫猶按十二時自課家人或却

之曰吾自樂此不爲罷也昔劉太史潤珩語曰予從
長沙市見陳丈口呶唔而指搖搖髻翁子歐謳道中
狀蓋寢饋聖賢經傳古今文辭六十年無一朝輟誠
有味乎此者在耳嘗授徒四方因材而篤鈍者亦諄
諄誘之卒多成就默識學誨不厭不倦其一生著力
處也夫性慈祥以誠接物光緒間閭里少年多相率
爲剽者大府治甚亟公憫其愚而出之鄉以不擾
卒年七十晚居泰園自號泰園老人學者又稱泰園
先生配孫太宜人稱賢內助今健猶昔子三長昀
甲午舉人揀選知縣丁清季失政不就職隱居授經

自甘淡泊卒免辛亥之亂次方以武藝著又次圭讀
書君子也孫七人曾孫五人一家世儒奉教唯謹其
愿朴多類云超父遊公門超又從孝廉游密邇泰
園聞道最夙恨名不立負兩世期許今夏家居猥辱
傳命不獲以不文辭敢纂其實事以俟諸采風者耳
歲在戊午季夏月

小門生聶超敬撰